

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Biblia Das ist Die gantze Heylige Schrift Teutsch

Luther, Martin

Franckfurt am Mayn, 1560

VD16 B 2747

Illustration: [Jakobsleiter]

urn:nbn:de:bsz:31-62174

A deines vatters Gott/ vnd Isaacs Gott/ Das Land da du auff ligest/ wil ich dir/ vnd Land Sa deinem Samen geben. Vnd dein Same sol werden wie der staub auff Erde/ Vnd du solt außgebreitet werden/ gegen dem Abend/ Morgen/ Mitternacht vnd Mittag. Vn durch dich vn deinen Samen sollen alle Geschlecht auff Erden gesegnet werden. Vn sihe/ Ich bin mit dir/ vnd wil dich behuten/ wo du hin zeuchst / vnd wil dich wider her bringen in dis Land/ Denn ich wil dich nicht lassen/ bis das ich thü/ alles was ich dir geredt habe.

Christus
Jacob verheis-
sen.
Gen. 26.

(Deinen Samen)
Hic wird dem dritten
Patriarche/ Christus
verheissen / der Hei-
land aller Welt/ vnd
das künfftige Euan-
gelium vñ Christo in
allen Landen zu pre-
digen/ durch die En-
gel auff der Letter
fürgebildet.



B

Da nuh Jacob vñ seinem schlaff auffwachte/ sprach er / Gewislich ist der HERR an disem Ort/ vnd ich wusts nicht. Vnd forchte sich/ vnd sprach/ Wie a heilig ist diese Stett/ hie ist nichts anders denn Gottes haufe/ Vnd hie ist die Pforte des Himmels. Vnd Jacob stünd des morgens frü auff/ vnd nam den Stein/ den er zu seinen heubte gelegt hatte/ vnd richtet ihn auff zu einem Mal/ vnd goß öle oben drauff/ Vnd hieß die stett Beth El/ vorhin hieß sonst die statt Lus.

Beth El.
Lus.
Gen. 35.

Vnd Jacob thet ein Gelübt/ vnd sprach/ So Gott wird mit mir sein / vnd mich behuten auff dem wege/ den ich reyse/ vnd Brot zuessen geben/ vnd Kleyder an- zuziehen/ vnd mich mit frieden wider heim zu meinem Vatter bringen / So soll der HERR b mein Gott sein. Vnd diser Stein / den ich auffgericht habe zu einem Mal/ soll ein Gottes haufz werden / Vnd alles was du mir gibst / des wil ich dir den ze- henden geben.

(Heilig)
Heilig heisse hie me-
tuendus / terribilis /
Nota / da man Gote
fürchtet vñ ehren sollet
als der daselbs wil ge-
fürchtet vnd geehrt
sein. Daher auch der
selb berg Morjasti-
mor/ reuerentia / cul-
tus Dei heisst. Sup-
cap. 22. Denn Gote
tes forcht ist der höch-
ste Gottesdienst /
Vnd ist hie angezeiget
wo Gottes wort ist /
(wie Jacob hie he-
ret) da ist Gottes
haufe/ da stehet der him-
mel offen mit allen
gnaden/ c.

XXIX. Cap.

A hub Jacob seine füsse auff/ vnd gieng in das Land dz gegen Morgen ligt. Vnd sahe sich vmb/ vnd sihe/ da war ein Brun auff dem felde/ vnd sihe/ drey Herde schaaffe lagen dabey/ Den von dem brun ne pflegten sie die herde zutrencken/ vnd lag ein grosser Stein für dem loch des Bruns. Vnd sie pflegten die Herd alle daselbs zuuersamen/ vnd den stein von dem Brunnloch zu welken/ vñ die schaaffe trencken/ vnd thaten als dem den stein wider für das loch an seine stett.

(Mein Gott sein).
Nicht das er vorhin
nicht sein Gott gewe-
sen sey / Sondern er
gelobt ein Gottes-
dienst auffzurichten/
da man predigen vnd
beten solt/ Da wil er
den zehenden zuach-
den Predigern. Wie
Abrahâ dem Melchit
sedect den zehenden
gab.

Vnd